

按天廟宋史載在張宿晉志隋志載在二十八宿外儀象志及儀象考成俱無

欽定天文正義卷四十八

翼宿占



翼宿占燕月五星宮下天羽宿主遠客星亦黃帝廟十

史記天官書翼為羽翮主遠客星亦黃帝廟十  
宋史天文志翼宿二十二星天之樂府主俳倡戲  
樂又主外夷遠客負海之賓星明大禮樂興四國  
賓動搖則蠻夷使來離從天子將舉兵  
觀象玩占翼二十二星曰化宮一曰天都市一曰  
天徐一曰天旗土星也是為朱鳥之翼為天之樂  
府主和五音調六律五樂八佾以御天宮實為南  
宮之羽儀文物聲名之所豐茂主三公化道文籍



及蠻夷遠客負海之賓俳優狄鞮戲娛之事其北上十有三尺為日月五星中道其星光明有叙則君明臣賢禮樂興天下平四夷率服星暗大小失次則帝主失禮王道衰微動搖則有蠻夷之使來就聚則天下相伐徙移則三公廢離徙則民流星亡則化道不行文籍壞滅明大芒動則王者用兵征伐四方

按翼宿二十二星其最北一星亦在黃道南十度強月五星皆不及犯觀象玩占謂其北上十

有三尺為日月五星中道較今測差多三度弱彗孛客星見翼宿

宋史天文志彗星犯翼大臣憂國有兵喪星孛於翼亦為大臣憂其分失禮樂出則其地有謀下有兵喪芒所指有降人客星入犯翼國有兵大臣憂一曰負海國有使來守之為兵起觀象玩占彗孛出翼禮崩樂壞國以兵亡乙巳占曰其國以水饑人流亡有兵若有喪客星出翼石氏曰君遣使於負海之國巫咸曰將軍反兵起



大戰同姓諸侯有自立者又曰邊有大急大水傷  
五穀人流亡蒼星出翼五穀風凋客星出入翼多  
風雨河決水且至道不通客星守翼君弱臣強四  
夷不王一日邊城有戰一日雨傷五穀有大風名  
山崩荊州占曰大饑南官侯曰權臣亡羽毛旗幟  
貴乙巳占曰大星守翼大水江海決溢道路阻塞  
魚鼈槁死於陸

天文會通彗星犯翼宿其國女主有疾亦曰外戚  
干政彗本出翼芒射他星其野有兵火亦曰國有

喪星孛於翼光芒四散不收其國有立王亦曰  
有不受制諸侯孛星出犯翼宿其野憂兵火亦主  
外寇至孛星犯翼其國有甲兵其分失禮樂客  
星乘翼夷狄交侵中國客星乘犯守翼光芒四出  
動若風熖其下人臣擅權亦曰有叛謀客星留守  
翼乘之不去其野有兵火防外寇至

流星出入翼宿

宋史天文志流星犯翼宿亦為憂在大臣出則其  
下有兵入為貴臣囚繫乙巳占曰流星入天下賢



士人見南夷來貢國有賢臣

觀象玩占流星犯翼國用兵秋冬犯之土工用流星入翼海國有使來貢奇禽流星出翼有兵出一曰天子使使出求賢流星經翼聲如雷禁中兵起軍破民流

天文會通流星出翼光芒烓若火炬者樂府有火災

雲氣出入翼宿

宋史天文志赤雲氣出入翼有暴兵黃而潤澤諸

侯來貢黑為國憂

觀象玩占赤雲氣入翼有暴兵入國境赤氣出翼其國兵出隨氣所之蒼白氣入翼太常之官憂之黃氣入翼諸侯來貢出則天子使使於諸侯黑氣入翼正抵其星三夜不去宗廟有災大人憂兵起天文會通赤氣亘天犯翼環繞不侵他宿者其國為夷狄所掠青雲氣犯之其野糴貴赤黃氣環繞之其國有火災一曰樂府憂火

東甌